

澄城縣志

卷十五  
十八  
十九  
二十

地 170.149  
30  
部 14



澄城縣志卷十五

陽湖洪亮吉孫星衍同撰

列女十五

唐

姚女通志澄城人嫂李氏不得於姑每鞭笞輒以身蔽將適人  
忽危坐而逝嫂亦慟哭死里中  
立祠祀焉祠塑女像真骸包泥  
中人以簪錐挑之其骨色黃如金

金

師氏續文獻通考適澄城雷氏至二十四歲未有子而夫亡誓  
不再嫁篤養舅姑姑病革潛割股肉雜飲食以進姑病乃瘥後  
舅俱逝又二十餘年其兄師遠心利其產私許楊珍婚訟於官  
氏度其難免投井而死明昌三年采訪使以事聞特旌貞潔

澄城縣志卷十五

明

王氏舊志梁孝恭妻澄城人年二十生一子而夫亡奉姑育子  
更元季兵亂節不少易卒年六十七洪武九年旌表

王氏舊志澄城鄭伯玉妻年十七適玉生二子俱幼而玉亡姑  
魚氏孀居氏承順唯謹成化二十一年大饑有勸之他適者氏  
以死自誓苦節四十餘年邑令旌表其門

蔡氏通志石體妻澄城人體卒氏年十九生子甫六月時祖父  
母及孀姑李氏俱年邁氏辛勤孝養孀居五十餘年成化十八  
年旌表

周氏州志姚連妻廉氏李吉妻  
首澄城人周年二十夫亡零丁  
孤苦晝耕夜織孀居五十餘年  
兼年二十四夫亡誓不再醮  
居六十年正德咸加旌獎焉



馬氏舊志澄城廉仲祥繼室也年二十八廉亡氏撫育前妻子  
介適於所生日非此無以承宗祀茹苦含辛年踰七十未嘗一  
日離介介亦忘其爲繼母也又孫氏同邑白洪妻洪早卒氏孀  
居四十餘年處妯娌以和睦育夫弟女如已出厚狀歸之邑令  
旌左並旌其門

陳氏舊志杜冕妻澄城人冕任眉州州判卒官氏年二十七挾  
纒歸家計益索饑謹相繼茹苦四十餘年邑令陳方旌其門

孫氏張邦俊傳澄城生員鄭炳妻年十八夫逝氏卽墜井姑急  
救之得免矢志守節縣令旌其門

路氏通志舉人關冕妻澄城人十五歸冕踰年生子方四月冕  
暴卒氏哀痛幾絕矢志撫孤以續繼孝親屢遭兵荒堅守不易

路氏通志馬鵠妻澄城人夫病故氏痛幾絕姑慰之曰死節易  
撫孤難勉之氏乃守節教子鳴霄入庠冰操歷六十年壽八十

終

梁氏通志澄城路世榮妻邵陽舉人冕炤女也通經書大義適  
榮八年男女無出而榮故矢志苦守孀居四十餘年有司旌其

門又同里田達妻和氏貢生王之楫妻張氏馬律妻惠氏馬御  
妻任氏扈九高妻袁氏路仕季妻韓氏石韓妻廉氏郭現妻柳

氏皆夫亡苦節名重里閭

白氏舊志澄城白身室女字蒲城申起龍及笄聞龍病劇欲往  
父母不能強至其家未幾夫死悲咽欲絕家人防之密念夫天

無後撫嗣五十年時天啓年間事也  
曹氏舊志澄城常光祖妻年二十四夫亡撫子成名年八十六  
守節六十三年



張氏通志通判白麒繼妻澄城人夫亡轉然罪飲毒死  
楊氏舊志通判杜一量妻党氏主簿路從度妻俱澄城人崇禎  
八年城陷罵賊而死

呼氏諸生李朱盡妻事舅姑盡孝姑念婦一手紡績經紀合家  
勞瘁難任欲分出幼子各立門戶氏不白小叔未成立奈何  
貽憂老親盡感婦賢益勤力讀書未幾遭疾卒氏絕而復蘇曰  
我有遺腹媵亦覺有娠血嗣或永斬乎而均不肯氏遂自縊  
死時崇正八年十月也縣申請旌表以時事倥傯未舉同州王  
宏祖為作傳

潘氏工部尚書潘孟舉孫潘濶女天順初配宗室鎮國將軍公  
鈺生子誠清為輔國將軍

鄭氏銅城主簿鄭照長女成化十八年配宗室保安莊簡王次  
子鎮國將軍誠諒

國朝

王氏舊志澄城楊太清妻夫死茹苦姑以少寡欲令更適氏斷  
髮守志四十餘年鄭氏張夢月妻閔歲舉丁再歲夫亡氏年始  
二十廿貧守志三十餘年如一日俱雍正十二年旌表

王氏舊志澄城民魚冲天妻夫死斷髮守志四十九年年七十  
有三乾隆三年旌表

王氏郭下里丁應奎妻夫亡茹苦自甘訓子感際力學成諸生  
復早死又教孫運開成貢生年九十八卒葬縣姚欽明旌其門  
孔氏長政里社學美妻年二十五夫亡守節如吳定嘉其志  
以遺族孫繼之旌其門

張氏雷庄索敬修妻年十六歸敬修越二十生子數月而夫亡



有鄰婦以子幼無依諷之者氏曰雁有常西河以人而不如鳥  
乎性聰慧曉四書孝經子步元所記誦悉經戶授人稱爲女師  
魏氏郭下里陳養星妻以賢孝聞舅年七十有八病篤氏夜焚  
香祝禱願以身代舅恩肉急俸不能辦潛入暗室割石脣肉雜  
飲食以進舅病遂愈氏亦無恙終以壽卒里人難之刻石以誌  
其孝

王氏通道里党丙妻二十五夫亡姑老子幼績紡以給值歲飢  
族人逼奪其志氏以頭觸石血流乃得免

張氏奉政里王成肅妻年十八歸成越六年夫亡舅老子幼守  
志侍養不缺甘旨子元峯長登之耕讀家業漸充鄰有困乏者  
諭子周恤德洽鄉閭

焦氏通賢里索黃妻十七于歸事舅姑以孝聞二十四夫歿家  
貧無資叔嫂逼之改醮曰夫婦之義不可斷也守孀至老身無

完衣曰恒不再食氏欣然甘之

楊氏先進里丁拱乾妻十五歸拱乾乾自幼疇癯孤身亦貧氏  
無怨言勤織紡易粟敬事厥姑並養拱乾年二十五夫亡母弟  
勸改醮氏誓死靡他撫孤子成立日不再食寒不重衣鄉隣苦  
之

溫氏撲地村王成胡妻二十三夫亡貧不能給其叔欲逼之嫁  
屢毆辱之氏志益堅困苦數十年無悲忿之聲人稱完節

溫氏姬文約妻年二十九夫死無所出有勸氏再醮者氏厲聲  
絕之後無敢言者撫族人子爲嗣視如己出

張氏生員權文敏妻年二十夫亡子方二歲家貧無依氏念年  
少獨居恐生嫌疑挾子寄居母家晝夜紡績育子成立乃歸人



綱完節焉

楊氏趙大任妻年二十三夫亡有子方八月家甚貧戚屬勸其改適氏毅然守志育子登第長為取妻劉氏未論一年子又卒氏哭痛欲絕劉氏慰曰天道有知後當有嗣閏七月而生子名曰積婦姑共撫孤及長為娶楊氏未二載積又亡積妻九歲楊劉相繼沒積妻亦守志不二鄉人憐其志議同輸救知縣梁大端匾曰三世清操賜米五石自三疋

東氏雷統長妻一歲夫亡氏痛哭幾絕父母苦勸止之乃撫猶子侄為後與夫弟異爨獨立門戶織紉易衣食以終天年乾隆三十五年旌表

張氏問元郎妻年十五歸元郎越四載夫亡為姑不能奪之嫁撫前婦四歲子成名知縣梁大端旌其門

登城縣志卷十五

五

劉氏趙溫妻年十七歸趙未一月夫亡姑恐不能守以言試之氏即指天自誓撫族姪立嗣後以壽終

王氏路玉聲妻年二十三夫亡遺二女家貧無以為養薪水之資皆所自給又有張氏監生韓師善妻守節食貧與氏等人皆

之  
堂氏路璋妻年十七歸璋年餘璋亡無出父際瑞閱其年幼密喻以意氏泣下以死自誓守節事翁姑歷四十餘年無間言知縣梁大端旌其門

韓氏寺前鎮人袁煥妻年二十一夫亡家貧無子氏晝夜紡績自啖四十餘年足不出中門

馬氏袁九崇妻年十九夫亡無子時姑老氏承奉備極艱辛凡事歷三十餘年得其歡心族黨稱其節孝云



出氏西觀里韓肯堂妻年二十夫亡姑老氏竭力奉姑苦備  
嘗姑死親身營辦合葬並其夫兄弟皆收瘞一處

王氏鐵庄人范紹印妻夫死氏年二十餘適子甫三歲氏矢志  
苦節母子相依爲命五十餘年紡績撫子而笑不見齒人以爲

難

張氏徐庄村傅來瑞妻年十九寡子得昌甫彌月家極貧氏忍  
饑寒以績紡爲生苦節三十六年見年五十五歲

李氏魏仙橋魏運龍妻年二十七龍卒子洪對甫二歲其族孫  
魏呈剛妻李氏年二十而剛亡子學道亦二歲祖孫子母相依

爲命艱辛萬狀對母壽七十始卒道母見年五十六

賀氏牙富里張洪蟾妻蟾卒無子伯氏有二子不爲嗣欲使他  
適氏號泣數日持刃欲自刎親族爲擇從侄世膏以繼不數年

澄城縣志卷十五

世膏又卒氏志愈堅伯氏感悟遂命其子世蛟嗣氏年七十五  
而卒

王氏魏洪常妻洪常卒氏年二十三子呈唐甫一歲堅貞不祿  
歷二十八載如一日焉

李氏牙富里張洪引妻年二十六洪引卒二子尚幼叔欲嫁之  
氏割髮誓志後數年叔又欲使他適已密約期氏覺遂攜二子

往母家得免其艱難辛苦鬻者皆爲垂涕年六十一而卒  
耿氏永安里雷玉維妻年二十六寡一子名耿祥後爲子

逾年夫婦俱亡留孫麒麟生翁姑年邁田產僅二畝歲歉嘗自咽  
榆皮而奉養不缺其後翁姑相繼亡將地典錢以營葬學使盡

鳳三旌其門曰節孝

關氏吉安里李茂文繼室年二十一茂文卒氏號泣不食



覓死或勸之歸卽割髮以矢志時生子惟模方面月夜前室子  
惟炫氏撫育之倍于所生始終一節年七十五卒當事旌其門  
惠氏陰泉里党曰澤妻年十九寡悲咽欲自縊旣念舅姑老且  
有遺腹乃止數月果生男遂益自厲見年五十八歲

徐氏馮原鎮張洪規妻年十八寡子世豐甫數月姑年七旬患  
疾不起氏侍湯藥始終不衰守節四十七年人稱賢孝焉

申氏張熅如妻年十八熅如亡氏容不修整衣不華飾以禮自  
飭年八十餘卒以伯氏子爲嗣

李氏張兆麟妻年二十七夫亡翁姑俱逝有一叔二子俱幼氏  
撫叔如子終至成立年七十餘卒

鄭氏張家庄張正印妻秦安訓導龍飛孫女也年十八正印早  
夭無子翁姑兒嫂皆歿嫁之氏愈孝敬撫伯氏子女如已出其

兒嫂感悟遂以二子爲嗣守貞四十有五年無笑容縣人皆稱  
其賢焉

杜氏長閨鎮自信妻康熙三十年歲大祲氏度夫妻不能俱免  
勸信逃亡信曰如妻何氏謬給曰有母家在信遂逃氏至母家

拜父母畢卽歸閉戶自經鄰人哀其死而廕之信竟不知所終  
惠氏長閨鎮白文基妻王氏浴子河袁世璧妻俱早寡無子王

以伯氏子可造爲嗣惠以猶子爲嗣俱勤家事順兒嫂鄉黨皆  
稱其賢後可造爲縣諸生

楊氏懷仁里李幸錄妻年二十夫亡撫遺腹子觀娶妻袁氏未  
幾觀又亡時袁年二十一歲有子在抱婦姑共守之風雨夜哭

聲達於戶外聞者無不哀傷楊年七十卒袁年六十餘卒  
白氏通鎮里申三樂妻年二十夫亡無子氏意決死舅姑慰之



曰我二人老矣爾死誰事我者且死夫而絕夫之祀爲其易而不爲其難未賢也氏遂厲節事舅姑今年五十八乾隆四十六年旌表

韓氏十六歸白廷相二年相亡無子痛夫乏嗣就柩前泣請兒子爲已子凡衣食之資皆自紡績中出見年六十一

孫氏長閨鎮杜御世妻年二十杜亡家貧無子父兄皆欲嫁之氏矢志守節康熙辛丑歲大飢二叔逃亡氏獨居破屋數日不

食飲長寢待斃有勸之嫁者輒怒拒之賴一甥賑恤得免死氏貌端肅雖私居澣濯必着裙裳見者無不欽仰性寬能忍二叔

愚頑飲食或不如意輒忿戾怒罵氏不與校曰吾命也年六十餘卒其東隣楊氏韓城縣民薛時興妻時興兄弟就食于此因

家焉生子彌月時興卒未幾其弟亦亡時氏年二十五守節撫孤與孫氏往來若親戚西隣杜氏孫夫族女適諸生李拭年二

十六拭亡有子方懷抱亦撫孤守貞時遵孫之訓戒三氏居相鄰比破屋短垣時相依倚卒能各成其志然倡導有自繫孫氏

之力實居多云  
田氏朱奉天妻少寡無依育逾月子成立子亡撫遺腹孫備極

艱苦口不言非法語鄉人重之  
党氏王家河王博妻郊道村生員靈次女年二十四歲博亡無

子守節三十餘年卒靈第四女適長閨鎮白綬亦年二十四夫亡無子立猶子爲嗣事姑至孝居家勤儉年踰六十卒

袁氏惠集美妻党氏惠貞妻白氏惠懌妻皆高懷邨人三氏皆年少無子苦志四十年卒袁氏知縣張承誓旌其門党氏後以

從子安寧爲嗣



楊氏長岡鎮諸生白駒妻諸生善女年二十四駒亡初駒天婦  
恩愛最密駒病不起奠其改適氏卽於牀前誓必不肯及駒卒  
果如其言守三十餘年卒

鄭氏路井村王春妻諸生公弼女春卒氏年二十餘無子續經  
度日乾隆戊辰壬申兩荒歲幾死終始不易隣婦有勸改適者  
絕不與言族人憐其志以子爲嗣諸生路喜雨慕其節聘其女  
爲子婦焉

党氏進士偉元侄女適張哈駒哈駒未冠卒氏年二十一子未  
幾亦卒氏矢志不嫁孝翁姑和妯娌其家食指頗多氏不以節  
被忘中饋事今年六十有二以從子爲嗣

任氏留庄村張汝優妻年二十四夫亡子女無所出家酷貧其  
弟欲改嫁之氏守貞紡績凡衣服飲食不以累之後其弟夫婦  
亦感而交愛焉今年七十有七族人爲書其行于祖祠

閻氏小河西良女年十五適南義合楊小成小成貧無行所與  
遊皆無藉氏見其至輒閉門不與面雖小成怒詈弗恤也居一  
年小成與其甥翟姓者托耕北山將鬻氏氏窺知之不言與小  
成偕行至村外卽赴溝而死

楊氏任希奉妻年十九夫亡氏矢志守貞嘗于灶下掘得白金  
百餘兩呼其伯氏希聖與之曰兒幼不足付此也於是名著洛  
澗間未幾其子亦死希聖感其德以一子爲嗣年七十三卒  
孫氏曹渠村畧女年十七歸權承興閱三歲承興亡無子撫前  
室子學譽如所生學譽年二十始知氏爲繼母孝謹益篤氏卒  
學譽每與人言及未嘗不流涕云

權氏諸生文柄女 吳宗成妻宗成死氏年二十餘家



殷實氏儉朴自矢孝舅姑禮兄嫂取其伯氏子爲嗣縣中進士  
党偉元嘉其節以其女妻其子焉今年六十有六

權氏庵里村任三妻夫死氏年二十有子二忍飢無孤艱苦萬  
狀里俗婦女好游觀恬不爲怪氏獨杜門不出者四十餘年

閻氏南義合楊相吉妻年二十三相吉亡頗有遺貲氏以隻身  
無依與相吉從弟大吉同居大吉素貧值歲飢鬻氏田四十畝  
及屋一區氏無怨言無德色晏如也年五十八卒以大吉子  
爲嗣

張氏閻鵬漢妻鵬漢平時氏年二十五子新甫四歲初鵬漢廢  
其產殆盡氏織紉拮据其叔父某憐其孤寡給田六畝氏教子  
勤儉持身日月積累遂有贏餘見年七十有六知縣梁大燭表  
其門

張氏西社村李順義妻諸生員張洪毅女嫁二載夫亡氏年十  
九子方數月舅姑冀其改適氏割耳自誓凜不可奪苦節五十  
二年年七十一卒知縣梁大燭表其門

曹氏嚴庄村李山妻乾隆三十二年歲歉家無升合李山給其  
妻出外語妻曰我貧甚汝可再適人否意蓋欲賣婦以自活也  
氏俯首無言遂投崖死山救不及亦自縊于野木之下

王氏長閻里李福祚妻年二十二夫亡無子貧甚常依母家勤  
紡績苦節五十餘年

祁氏義井里葉朝振妻年十九夫亡無子以死自誓撫侄爲子  
甘貧守節年七十四卒

劉氏段庄里諸生曹魯妻年二十六寡一子甫周歲貧甚繼母  
欲奪其志氏以死自誓紡績度日繼母卒竭力營葬今已四十



餘年其子口昌亦為諸生

李氏段庄里權善繼妻郊泌女年二十夫卒悲慟不食數日投井死

張氏長閭里周潤妻年十九寡無子撫侄元璜以繼夫祀守貞四十年卒

曹氏韋光祖妻年二十四夫亡撫子成立年八十六卒凡守節六十二年

李氏長閭里周固妻年十九夫亡後兩月生子撫育艱辛年至八十卒韋氏張序欽妻年七十卒

劉氏李固妻二十五卽寡有勸之嫁者流涕拒之遂弗出戶庭今已年七十餘

李氏張述明妻年二十二夫亡守節五十年卒路氏奉政里劉

丁升妻二十二夫亡守節六十一卒

劉氏閭東里孫桂妻年二十五夫亡教子作諸生六十一卒楊氏党三有妻年十九夫亡年六十八卒

白氏賈郁文妻年二十夫亡守節今年六十

楊氏善化里韋有才妻二十一夫亡守節今年六十

惠氏李均妻二十九夫亡守節今年六十八歲

姚氏習四教妻守節五十餘年李氏習明道妻守節三十餘年

范氏張庭妻守節四十餘年

宋氏王光輝妻年十九夫亡守節今六十有五

孫氏梁尉妻夫死年十八遺腹得子苦節數十年鄉里為立碑表其節

袁氏劉旬昌妻夫亡年二十無子撫侄為嗣年七十二卒楊氏



監生雷作霖妻二十五夫亡守節年七十卒

權氏董錫慎妻年二十夫亡家貧翁姑俱老苦心守節年七十卒知縣梁大端旌其門

姚氏党三喜妻章庄村人夫亡年十九苦節三十餘年卒雷長馬榮基妻年二十夫亡守節至八十餘歲卒

姬氏李丕謙妻年十八寡撫猶子作棟為嗣問氏諸生韋玉樹妻年二十守節至七十卒

韋氏雷鑑妻年二十一夫亡守節八十而卒張氏連志齊妻年二十三夫亡守節今年七十八

王氏梁帥妻年二十五夫亡守節鄉人立碑以表之

胡氏張端妻端貧而貌寢氏毫無怨意又病癱瘓家無餘丁氏織紡縫紉為米薪資親戚求醫辛苦萬狀端念病久累氏託言

熱甚令氏移已村邊池旁就涼給氏取茗因急投池中求死適氏至呼鄰救歸是後坐臥不離其側以所他變端知病不起每

以父母未及合葬為言氏默識之及端卒眾謂氏年少無倚宜早改適氏謬曰勢應如此但夫囑葬親事未了耳眾為營葬甫

畢即自經死時年二十二撫從姪為嗣家甚貧備履艱難苦

賈氏諸生白元妻十九夫亡節五十餘年卒一子方二歲績紡撫子守節四

張氏白庶民妻年二十二夫十餘年卒一子方二歲績紡撫子守節四

劉氏楊植桂妻年二十二夫至成立見年六十有一一子方二歲績紡撫子守節四

孫氏雷三縣妻年二十四夫亡苦節撫孤今六十有四東氏劉



承德妻二十一夫亡立志不貳今年五十三

杜氏孫繼祖妻年二十五夫亡守節撫子成立以續夫祀今年七十有六

党氏雷濟寬妻夫死年二十四撫子守節以壽卒知縣表其門徐氏梁美祥妻夫死年二十三遺一子苦節撫孤歷五十餘年如一日今年八十有二

姚氏吉安里王永彬妻李氏牙富里段居莊妻王氏業善里姚肇淳妻劉氏姚集哲妻孫氏懷仁里楊永川妻孫氏吉安里王文傑妻雷氏業善里李作著妻張氏業善里王紹統妻姚氏王紹宗妻姬氏時庄里路之平妻俱夫亡苦節

党氏長閭里白授妻年十八寡撫姪具慶爲嗣苦節六十年馬氏雷永集妻年二十寡守節今六十餘歲李春姐縣人學愈女

李春七欲犯之自縊死乾隆四十三年旌表烈女

韋氏張居妻夫族人張眼調之不從投窖死乾隆四十四年以烈婦旌表

高氏李奉翹妻年二十一夫亡許氏楊春雨妻二十五夫亡均守節不貳高氏今年五十八許年六十

姚氏魏之成妻連氏魏之顯妻龐氏楊永亮妻雷氏黃慶潛妻姚氏党緒原妻蒙氏石京房妻王氏楊太清妻鄭氏張夢月妻俱雍正中以苦節受旌

王氏魚冲天妻王氏李炳妻楊氏實從明妻路氏實永先妻張氏劉綵妻張氏李惟興妻張氏耿大觀妻郭氏王調儒妻張氏趙堯裔妻楊氏王伯但妻惠氏李澄清妻路氏諸生白雲飛妻李氏王居相妻似乾隆年中旌表



李氏西社陳某妻年二十一夫亡節不欲生以姑在無奉養者遂止甘窮四十餘年姑亡氏自縊焉知縣旌其門曰節孝

楊氏諸生呂金聲妻年十九聲亡守節七十餘年年九十餘卒其子有清妻彌氏年二十一清亡守節三十餘年卒知縣旌其門曰二世貞操

談氏焦福金妻年二十夫亡貧無以依族人逼改醮氏遂自縊里人憐之爲立碑以表其節

呼氏傅吉之妻二十夫亡守節子元輝方二歲母子相依爲命備極艱辛年七十一卒

劉氏王綸世妻年二十三夫亡遇極艱苦堅貞不二人稱完節白氏王肱妻年二十七夫亡守志不改終以壽卒

劉氏權夫端妻歸端二載端亡人勸改適氏指日自誓撫猶子

爲嗣今年五十有一



